

面禮足右繞七匝住立佛前彼佛告言尊者
 大目乾連此諸菩薩有所輕笑汝今宜應承
 彼世尊釋迦牟尼如來應供正等正覺所加
 持故以自通力現諸神變尊者大目乾連白
 彼佛言我今如佛教勅加跌而坐於此寶洲
 作變化事佛言今正是時尊者大目乾連即
 時湧身空中高七俱胝多羅樹量作變化事
 於其坐中化現百千俱胝那庾多真珠瓔珞
 廣大莊嚴而彼瓔珞各出百千俱胝光明一
 一光明門皆生蓮花是諸蓮花臺中皆有世
 尊釋迦牟尼如來形像安處其上彼如來像
 皆悉宣說妙音聲輪清淨正法大目乾連白
 彼佛言世尊我今加跌而坐於此四大洲一
 切世界亦能作諸神通變化乃至此小千世
 界中千世界三千大千世界悉能作諸神通
 變化彼佛告言今正是時
 尔時尊者大目乾連如其所應現神變已收
 攝神力還住佛前時彼諸菩薩眾咸生希有

之心前白佛言世尊今此尊者大目乾連其
 何所為到此世界彼佛告言諸善男子此大
 目乾連為欲度量彼世尊釋迦牟尼如來聲
 輪分量故來至此

時彼世尊光明王如來告尊者大目乾連言
 汝自今而往勿復再起是心欲度如來聲輪

分量謂以如來清淨音聲無其分量不可度
 量故假使以汝威勢神力極西方分經于殑
 伽沙數等劫畢竟不能得彼世尊釋迦牟尼
 如來音聲妙輪分量邊際以佛如來音聲妙
 輪無分量故

佛說如來不思議秘密大乘經卷第七 丁七

佛說如來不思議秘密大乘經卷第八 丁八

釋經義朝散大夫試光祿卿光祿大夫賜紫沙門巨惟淨等奉 詔譯

如來語密不思議品第八之餘

尔時尊者大目乾連禮彼佛足作是白言世
 尊我今悔罪我今悔罪我於釋迦牟尼如來
 無量音聲清淨妙輪轉欲度量我斯深罪又

復世尊我所來此幾何遠邪彼佛答言大目
乾連汝過九十九苑伽沙數等世界已到此
刹中大目乾連白言我此所來而極遙遠身
力疲憊不能還復本刹土中彼佛告言大目
乾連於汝意云何汝勿起是見謂汝以自神
力能到此刹何以故但以釋迦牟尼如來如
持力故汝能至此汝今欲還本刹土者應向
彼佛虔伸敬禮大目乾連汝今當知若以汝
自通力欲還本土縱經一劫亦不能往或復
未至彼土中間而入涅槃大目乾連汝今至
此東西南北謂何方分邪大目乾連言我心
迷昧不知今時在何方分彼佛告言以是緣
故汝今當知若以汝自通力縱經一劫畢竟
不能還彼刹土大目乾連言彼世尊釋迦牟
尼如來今在何方彼佛告言大目乾連彼世
尊釋迦牟尼如來現處東方是時尊者大目
乾連即向東方五輪著地至誠敬禮世尊釋
迦牟尼如來說伽陁曰

二足聖尊攝受我 人天供養大威德
無邊智具無邊音 我今欲還於本土
寂慧今此王舍城鷲峯山中一切衆會以釋
迦牟尼如來威神力故悉聞尊者大目乾連
號哭之聲

爾時尊者阿難前白佛言世尊今此所聞號
哭之聲為何相邪佛言阿難此是目乾連茲
芻往西方分去此佛刹過九十九苑伽沙數
等刹土到光明幢世界世尊光明王如來刹
中現在於彼將欲還復此娑婆界故有如是
號哭之聲阿難白佛言世尊尊者大目乾連
以何緣故到彼世界佛言阿難大目乾連將
還此土其事因緣汝自當知
爾時鷲峯山中一切衆會合掌恭敬咸白佛
言世尊我等樂見彼光明幢世界瞻覩世尊
光明王如來及欲見彼諸菩薩衆并尊者大
目乾連爾時世尊受勸請已即於眉間放大
光明名一切處通達其光普照九十九苑伽

沙數等佛刹相續不斷於彼光明幢世界廣大照耀是時此會一切大眾悉得見彼光明幢世界瞻觀世尊光明王如來及見彼諸菩薩及見大目乾連五輪著地向佛作禮發聲號哭

尔時世尊釋迦牟尼如來告尊者大目乾連

言汝今宜應隨光所照來復此土

尔時尊者大目乾連承佛世尊大光明輪於思念間即時還此娑婆世界住立佛前向佛世尊頭面禮足右繞七匝重復諦誠五輪著地作是白言世尊我今悔罪我今悔罪我於世尊無量音聲清淨妙輪輒欲度量我斯深

罪故我遠適他界聽佛音聲既至彼已所聞佛聲與此無異佛言目乾連如汝所說如來音聲無有分量猶如虛空無其分量復無邊際不可度量若其虛空可度量者如來音聲亦可度量何以故虛空廣大故如來音聲亦復廣大當王舍城中往昔說是大目乾連去

來事時有十千人發阿耨多羅三藐三菩提心金剛手菩薩告寂慧菩薩言寂慧當知此即是為如來語密

復次寂慧六十四者所有一切衆生心心所轉而一衆生心多於彼寂慧菩薩言大秘密主若一衆生心心所轉假使徧滿三千大千

丁八

三

世界一切衆生皆居緣覺之地縱經一劫而亦不能思惟稱量校計伺察何況一切衆生金剛手菩薩言寂慧我今告語於汝使汝開覺所有一切衆生心心所轉即彼如來音聲妙輪出種種聲宣說法時令諸衆生咸生歡喜然佛世尊常住無分別捨尔時金剛手菩

薩說伽陀曰

三千世界諸衆生 一切皆證緣覺果
縱經一劫盡籌量 一衆生心不能曉
世間所有一衆生 唯佛能知彼心意
隨衆生心雖了知 佛無發悟無分別
乃至一切衆生類 總聚思惟有其三

世尊隨順如所應
法中自在演妙音
隨所宣說名相生
所有一切衆生類
一毛孔中放光明
所有世尊大慈化

淨妙聲輪宣正法
一切聞者咸欣悅
以諸法名善開示
色相名字及思惟
如來隨應善分別
一切毛孔放光明

光明超勝人中尊
假使佛經一劫中
然佛語及音聲輪
一切煩惱無色相
由其語言無相因
是故語言諸色相

音聲輪中宣妙法
以諸譬喻善宣說
畢竟不得其邊際
所說語言亦無相
煩惱無相自息滅
於一切處不可得

以其畢竟無得故
由其語言不實故
煩惱不實亦復然
以無少法可得故
煩惱無得亦復然
一切衆生語言道

煩惱色相亦如是
所說非內亦非外
染性非內亦非外
佛所說言徧十方
是故有所言宣說
上中下品有其三

語言非身亦非心
譬如假法成樂具
所出音聲無所從
由其宿昔善淨住
故佛世尊出妙音
譬如應聲而對響

此中無住非無住
由風吹擊衆音聲
是中亦無造作者
一切衆生意風吹
然佛亦無分別想
音響非內亦非外

人中尊出妙語言

非內非外亦如見

又如珠寶無分別

今諸衆生喜樂生

佛無分別亦復然

一切音聲皆圓滿

復次寂慧當知如來語秘密智隨入一切衆

生宣說諸法所有三千大千世界一切衆生

種種生處如來隨入一切衆生語言音聲以

種種名字安立四諦寂慧如其所說苦苦集

苦滅向苦滅道諦

所有地居諸天作如是說

珂吠珂嚩牟黎珂嚩那曳珂嚩度嚩

即是此說苦苦集苦滅向苦滅道諦

彼空居諸天作如是說

多哩帝阿嚩哩帝阿嚩哩多尾誡彌阿嚩哩
多你薩多囉尼

即是此說苦苦集苦滅向苦滅道諦

彼四天王天作如是說

伊尼 彌尼 捺紕 捺羅紕

即是此說苦苦集苦滅向苦滅道諦

彼忉利天作如是說

阿嚩哩多你 阿西嚩帝 义野嚩帝 义

野耨誡彌

即是此說苦苦集苦滅向苦滅道諦

彼夜摩天作如是說

輸黎 輸羅西縛你 輸羅义曳 輸羅义

野 婆縛你

即是此說苦苦集苦滅向苦滅道諦

彼兜率天作如是說

烏珂黎 目珂黎 尾嚩努 散左哩

即是此說苦苦集苦滅向苦滅道諦

彼化樂天作如是說

多囉多 散多囉多 多囉义野多囉目珂

即是此說苦苦集苦滅向苦滅道諦

彼佉化自在天作如是說

訶訶呼 訶訶尾那曳 訶訶尾誡彌 訶

囉你誡彌

即是此說苦苦集苦滅向苦滅道諦

彼魔衆天作如是說

盎誡覽 盎誡囉母藍盎誡囉播都桑 盎

誡囉你悉帝囉被

即是此說苦苦集苦滅向苦滅道諦

彼梵衆天作如是說

林毗 林毗葛哩 林毗尾舍那 林婆縛

哩多那

即是此說苦苦集苦滅向苦滅道諦

彼梵輔天作如是說

彌訶哩僧訶哩 娑囉尼 娑囉娑囉尼

即是此說苦苦集苦滅向苦滅道諦

彼梵會天作如是說

沒囉拏 沒囉拏散提 沒囉拏沒嚕訶拏
沒嚕訶拏波舍摩

即是此說苦苦集苦滅向苦滅道諦

彼大梵天作如是說

多囉訥哩 多囉左俱哩 多薩布哩俱囉

嚕訶你

即是此說苦苦集苦滅向苦滅道諦

彼少光天作如是說

啞啞 係啞 呼護 訶囉奴散提

即是此說苦苦集苦滅向苦滅道諦

此下合有無量光天光音
天說四諦文梵本元關

彼少淨天作如是說

鳥啞多 你嚕啞多 你譏叱多 你譏摩你

即是此說苦苦集苦滅向苦滅道諦

彼無量淨天作如是說

西嚕你 散西嚕你 刹野西嚕你 阿西嚕你

即是此說苦苦集苦滅向苦滅道諦

彼徧淨天作如是說

波哩砌祢 波哩砌努捺曳 嚕那俱黎
菩陀尾林提

即是此說苦苦集苦滅向苦滅道諦

彼廣果天作如是說

阿訖哩多 阿迦囉尼 阿囉拏尾譏帝

迦囉拏你瑟恥

即是此說苦苦集苦滅向苦滅道諦

於第四禪九天之內合有無
雲福王無想三天梵本元關

彼無煩天作如是說

阿耨譏摩那 阿那 譏摩那 阿耨散提

阿耨散提譏摩那

即是此說苦苦集苦滅向苦滅道諦

彼無熱天作如是說

秣提 秣馱嚕帝 秣馱波哩 秣提 秣馱

譏摩你

即是此說苦苦集苦滅向苦滅道諦

彼善見天作如是說

捨摩摩 捨摩彌 摩那耨譏摩野 摩那

釋說摩

即是此說苦苦集苦滅向苦滅道諦

彼善現天作如是說

目訖底 目訖多嚩底 目訖多母黎 目

訖多摩多辱散提

即是此說苦苦集苦滅向苦滅道諦

彼色究竟天作如是說

你瑟恥 阿顛多 你瑟恥 訶羯臘波你

阿鉢囉底散提

寂慧當知如是等諸天各各以其隨天語言

安立四諦并餘龍眾夜叉眾乾闥婆眾阿修

羅眾迦樓羅眾緊那羅眾摩睺羅迦眾及堅

身夜叉眾持鬘夜叉眾等各以彼彼種類語

言安立四諦

寂慧此間浮提諸國土中少略而言滿千國

土乃至十六大國一切人眾隨彼方處種種

語言種種音聲種種心想如來隨入一切語

言音聲施設名字所立四諦悉能解了所謂

尸迦國人乃至世界邊際所住國人如是等

閻浮提中滿千國土一切人眾種種語言種

種音聲種種心想施設名字各說四諦如來

隨入一切語言音聲悉能解了亦非如來心

識語言有所流散寂慧此小千世界中有九

十四俱胝那度多百千種類語言名字各說

四諦總攝一切所說語言音皆悉同歸一四諦

義即是勝義諦即是無生諦即是如實諦即

是不動諦寂慧此即是為如來語密

復次寂慧如來語言而能斷除一切眾生疑

惑不決所謂十方無量阿僧祇世界普攝一

切眾生以佛智所知而眾生界多於地界寂

慧正使一切眾生各各獲得智慧具足與尊

者舍利子等無有異以是緣故一切眾生各

各皆以如舍利子所等智慧以疑惑事於一

劫中或過一劫共相問難思惟稱量伺察而

一眾生復勝於一是諸眾生以所疑事互思

惟已一時俱來請問世尊時佛世尊於彈指

間應問皆答是故世尊隨了一衆生所起心
念普攝一切衆生咸以一音悉爲宣說斷諸
疑網令諸衆生得斷疑已成生歡喜寂慧此
即是名如來語言普能斷除一切衆生疑惑
不決然非如來心及語言有所動轉一切皆
是如實所說寂慧當知如是等說皆是如來

秘密之語希有之語此即名爲語業清淨

金剛手菩薩大秘密主說是如來語秘密時
會中有三萬二千衆生發阿耨多羅三藐三
菩提心十方一切諸佛刹中所有賢劫諸菩
薩衆各各在彼佛世尊所修梵行者是諸菩
薩爲供養佛及金剛手菩薩大秘密主故垂
諸寶蓋散以妙花是花槃旋來此會中散於
佛上及金剛手菩薩之身乃至徧散一劫衆
會其諸寶蓋旋復空中住佛頂上而諸寶蓋
出妙音聲作如是言我等賢劫諸菩薩衆遣
此奉用供養世尊及金剛手菩薩大秘密主
惟願攝受隨佛如來向所宣說未曾有法一

切衆會皆悉聞已各獲增勝發希有心即向
金剛手菩薩大秘密主虔伸頂禮極生最上
信重之想咸作是言大秘密主我等今時快
得善利獲聞金剛手菩薩宣說如來語密不
思議法門若諸衆生聞此所說信解無疑是
諸衆生所得人身功不唐棄即爲如來所應

丁八

九末

化度彼得不退轉於阿耨多羅三藐三菩提
佛說如來不思議秘密大乘經卷第八

佛說如來不思議秘密大乘經卷第九丁九

謹釋藏朝散大夫試光祿卿光祿寺卿賜紫沙門臣惟淨等奉詔譯

如來語密不思議品第八之餘

爾時世尊普告一切衆會讚言善哉善哉乃
謂寂慧菩薩摩訶薩言寂慧當知所有如來
真實之理如來正法如來所行一切世間實

丁九